

E-BULETIN
EDISI
2023



UNIVERSITI
TEKNOLOGI
MARA

Cawangan Negeri Sembilan
Kampus Rembau



e-BULETIN
2023

FAKULTI
PENGURUSAN
& PERNIAGAAN
UNIVERSITI TEKNOLOGI MARA
CAWANGAN NEGERI SEMBILAN
KAMPUS REMBAU



LAPORAN PROGRAM UJIAN SARINGAN ASAS PEMBANGUNAN INSAN UNTUK UiTM CAWANGAN NEGERI SEMBILAN BAGI SESI SEMESTER MAC 2023

***Ahmad Azman Bin
Mohamad Ramli,
Zamri Bin
Samsudin & Mohd
Sairin Bin Sarlan***

*Pengajian Sains Maklumat,
Kolej Pengkomputeran,
Informatik dan Media,*

*UiTM Cawangan Negeri
Sembilan Kampus Rembau*

Pada tarikh 16 Mac 2023, hari Khamis, bermula pada jam 2.30 petang sehingga 5 petang, telah diadakan program Ujian Saringan Asas Pembangunan Insan untuk semua pelajar-pelajar baru UiTM Cawangan Negeri Sembilan, Kampus Rembau dan Kampus Kuala Pilah bagi semester pengajian Mac 2023. Program ini diadakan di Dewan Biduanda, UiTM Cawangan Negeri Sembilan, Kampus Rembau. Seramai 14 orang kakitangan akademik dan pentadbiran daripada UiTM Cawangan Negeri Sembilan telah bertugas secara sukarela menjadi fasilitator untuk menyaring pelajar-pelajar baru yang dianggarkan seramai 213 orang.

Objektif utama program ujian saringan ini diadakan adalah untuk menguji tahap pengetahuan pelajar-pelajar baru berkaitan dengan ilmu asas Fardu Ain. Sekiranya pelajar mendapat markah kurang daripada 30 peratus dalam saringan ini, mereka akan diarahkan menyertai Kelas Kokurikulum Asas Pembangunan Insan (API) selama satu semester sebelum dibenar menyertai lain-lain kelas kokurikulum pada semester berikutnya. Bagi pelajar yang berjaya mendapat markah melepasi 30 peratus, mereka dibenarkan terus memilih kelas-kelas kokurikulum yang diminati.

Sebelum ujian saringan ini bermula, ketua fasilitator ujian saringan telah memberikan sedikit taklimat kepada para fasilitator bertugas dan para pelajar tentang cara-cara pelaksanaan ujian saringan ini. Semasa ujian saringan ini dilaksanakan, para pelajar disoal secara lisan oleh para fasilitator tentang soalan-soalan asas berkaitan Fardu Ain dan pelajar menjawab soalan-soalan tersebut secara lisan juga.

Para fasilitator dan pelajar telah memberikan kerjasama yang sangat baik sepanjang program ujian saringan ini berlangsung. Para pelajar sangat berdisiplin dan mematuhi semua arahan yang diberikan oleh fasilitator. Oleh itu program ini telah berlangsung dengan lancar dan berakhir mengikut masa yang telah ditetapkan iaitu pada pukul 5 petang pada hari yang sama.

